

*Variae species  
unionis.*

## ARTICULUS III.

Quae qualisque unio inter animam et corpus  
intercedat.

259. Ex demonstrata superius propositione, enuntiante animam rationalem esse formam corporis substantialem, eique totam presentem toti et singulis partibus, logice concluditur corpus et animam inter se intime uniri et copulari. Quenam autem et qualis sit haec unio, accurate explicandum modo est: quod ut melius pateat, recolendae sunt alibi traditae notiones unionis moralis et physicæ, hujusque sive pure extrinsecæ, sive intrinsecæ, quarum postrema in unionem continuatatis et compositionis substantialis (1), haec vero in personalem, et naturalem, et postrema rursus in unionem mixtionis et informativam, seu propriam actus et potentie dispensicatur (2). Ad aliquod ex istis unionis generibus jure revocaveris unionem localem, virtualem et substantialem, quas alii hac in re distinguunt: prior enim est pure extrinseca, quod ipsam rerum unitarum substantiam non attinet, utpote que consistit in eo, quod duo vel plura mere se tangant, vel sint in eodem loco. Virtualis autem ad eandem extermam, vel ad moralem, vel ut summum ad accidentalem pertinet, quia viget inter ea, que virtute solum sunt unum, nempe agendo, vel patiendo, vel viribus suis ad eundem effectum concurrendo. Jam vero

(1) *Compositionis substantialis*, inquam, quia interdum unio *compositionis* dicitur ea, que ex pluribus ordine quodam secundum aliquam unam formam aut figuram conjunguntur, sicut fit in lapidibus, lignis ceterisque partibus domum efficientibus.

Vide S. Thom., 3 p. quest. 2, art. 1; *Contr. Gent.*, lib. 2, cap. 56..  
*Ex hoc autem.*

(2) Vide *Cosmolog.* num. 160, pag. 617, 618, ubi rationes his descriptæ sunt, si unionem personalem et hypostaticam excipiatis, quarum definitions ex lapsu calami in unum confuse reperiuntur. Unio itaque hypostatica est ea, per quam natura aliqua, plena et integra secundum essentiam, unitur persona: quo pacto humanitas in Christo Domino unita est Verbo divino. Unio naturalis est ea, per quam ex diversis principiis una integra et completa natura secundum essentiam existit.

quicunque admittat animam esse formam corporis substantialem, fatebitur procul dubio unionem illius non esse accidentalem, sed substantialem, nec mixtionis, sed informativam seu propriam actus et potentie (1).

§ I.—UTRUM UNIO SUBSTANTIA LIS ANIMÆ RATIONALIS  
CUM CORPORE SIT NATURALIS ET PERSONALIS.

Ut ergo quid nomine hujusmodi unionis substantialis intelligentianus, absque ambiguitate declaremus, non enim desunt qui eam voce tenuis tueantur, re denegent, sit

260. PROPOSITIO 1.<sup>a</sup> Unio animæ cum corpore est non solum personalis, sed etiam naturalis, ac proinde vere ac proprie substantialis, talis videlicet ex qua una duntaxat existat persona unaque natura, et una per se ac simpliciter substantia composita, homo.

Propositio habet tres partes, quarum prima est haec: *Unio animæ cum corpore est personalis, seu ex qua existat una sola persona.* Ubi ante omnia nota hic unionem personalem, ut ex ipsa theseos enuntiatione liquet, non sumi pro unione *hypostatica*: unio enim hypostatica proprie est illa, per quam persona assumit, ac sibi unit naturam aliquam completam extraneam; ejusque exemplum unicum habetur in unione Verbi divini cum humanitate. Ceterum pars haec est contra Cartesium (2)

*Unio animæ  
cum corpore  
est perso-  
nalis,  
quianvis  
non hypo-  
statica;*

(1) Vide S. Thom., *Contr. Gent.*, lib. 2, cap. 56.

(2) «De cela même que je connais avec certitude que j'existe, et que cependant je ne remarque point qu'il appartienne nécessairement aucune autre chose à ma nature ou à mon essence si non que je suis une chose qui pense, je conclus fort bien que mon essence consiste en cela seul que je suis une chose qui pense, «ou une substance dont toute l'essence ou la nature n'est que de penser» (addition au texte latin). Et quoique peut-être, on plutôt certainement, comme je le dirai tantôt, j'ai un corps auquel je suis très étroitement conjoint; néanmoins, pour ce que d'un côté j'ai une claire et distincte idée de moi-même, en tant que je suis seulement une chose qui pense et non étendue, et que d'un autre j'ai une idée distincte du corps, en tant qu'il est seulement une chose étendue et qui ne pense pas, il est certain que moi «c'est-à-dire mon âme, parla quelle je suis ce que je suis» (Id. addition), est entièrement et véritablement distincte de mon corps, et qu'elle peut être ou exister sans lui». Ita Cartesius in

et omnes illos (1), qui ad subjectum proprium expressum per pronomen *Ego* tantum referunt operationes et affectiones solius spiritus aut anime rationalis (2).

Probatur jam propositio. Unio animae cum corpore est vere personalis, si uni eidemque subiecto tribuantur sive que ad animam, sive que ad corpus spectant. Atqui ita se res habet. Ergo...

**Major** constat ex significatione vocis persona vel suppositi, quæ tandem exprimit subjectum actionum et passionum et quorumcumque predicatorum cuiusvis naturæ (3).

**Minor** vero probatur a) ex communi omnium consensu. Nam persona cuiuslibet exprimitur per pronomen *Ego*. Atqui pronomen *Ego* habetur, et dicitur ab omnibus subjectum predicatorum, quæ verificantur sive ratione animæ, sive ratione corporis, quod profecto fieri non posset, si et anima et corpus distincta essent supposita. Ergo..., Sane verissime dicimus: *Ego cogito, Ego volo, Ego Philosopho operam do*, etc.; quæ propositiones vero non possunt esse nisi ratione animæ, seu nisi anima pertineat ad personam meam: dicimus etiam verissime ac proprie: *Ego* (idem qui intelligo) *vulneratus sum, Ego in media platea corrui, Egosedeo, capite doleo, agroto*, etc.; quæ praedicari non possunt de me, nisi propter corpus, neque attribui *mibi ipsi, qui cogito, nisi corpus et anima in me constituant unum subiectum, vel sint unius persone*.

Confirmatur, quia si ex eo solum, quod vestis v. g. tua comperatur, aut madefiat, vel calcei lacerentur, diceres: *Ego tremor, madefio, disperor, ridereris procul dubio, neque ob aliud, nisi quis alterum est suppositum tuum et alterum vestis et calceorum, nec ad te proprie pertinent actiones vel passiones solius vestis vel calceorum.*

b) Idem aperte demonstratur ex testimonio conscientie. Quisque enim experitur evidentissime corpus esse suum, animam esse suam, nec solum tamquam aliquid extraneum

*Meditatione 6.<sup>a</sup>* in gallicum sermonem translata, quam versionem ipsem approbat, additis quibusdam, que virgulis notantur, et desiderantur in textu ipsius latino, prout relect L. Aimé Martin in sua edit. opp. Cartesii, prefat. pag. III, col. 2, Parisiis 1842.

(1) Vide apud Liberatore, *Composito umano*, cap. 1, art. 2.

(2) Vide S. Thom., 1 p. quest. 75, art. 4.

(3) Vide *Ontolog.*, num. 286, pag. 833 seqq.

a se possessum, sicut dicit pecuniam aut domum esse suam, sed tamquam aliquid intimum sibi et ad sui constitutionem spectans.

y) Confirmatur ex doctrina Ecclesiæ; quia simil modo probatur ex SS. Litteris ac traditione unitas personæ in Christo Domino, siquidem uni eidemque subiecto, Verbo divino, tribuantur, sive que ad naturam Dei, sive que ad naturam hominis, corpus et animam, spectant, ut videre licet apud Theologos. Id quod præclare luculentterque exprimit Symbolum Athanasianum: *Perfectus Deus* (Iesus Christus D. N.), *perfectus homo*, ex anima rationali et humana carne subsistens... Nam sicut anima rationalis et caro unus est homo, ita Deus et homo unus est Christus (1): non quidem ratione unionis naturarum in Christo, fides enim docet illas esse impermixtas; sed ratione personæ. Unde egregie S. Vincentius Lirinensis: *In homine aliud caro, aliud anima, sed unus idemque homo* (2). Et Pseudo-Athanasius: *Homo vero una persona et unum animal est, ex spiritu et carne compositum, ad cuius similitudinem intelligendum est Christum unam esse personam, non duas* (3).

Quid? quod ipsomet Cartesius, secum parte pugnans, doctrinam hanc facit. «*Docet etiam: natura, inquit, per istos sensus doloris, famis, sitis, etc., me non tantum adesse meo corpore, ut nauta adest navigio, sed illi arctissime esse coniunctum, et quasi permixtum, adeo ut unum quid cum illo componam; aliquoquin enim cum corpus leditur, ego, qui nihil aliud sum, quam res cogitans, non centrem idcirco dolorem, sed puro intellectu lesionem istam perciperem, ut nauta visu percipit, si quid in navi frangatur; et cum corpus cibo vel potu indiget, hoc ipsum expresse intelligerem, non confusos famis et sitis sensus haberem. Nam certe isti sensus sitis, famis, doloris, etc., nihil aliud sunt, quam confusi quidam cogitandi modi, ab unione et quasi permixtione mentis cum corpore exorti*» (4). Si *Ego sum tantum anima cogitans*,

(1) Vide Breviarium, vel apud Denzinger, num. 137.

(2) Vincent. Lirin. Com. I, cap. 13.

(3) *De Incarnatione Verbi*.

(4) Cartes. Medit. 6.<sup>a</sup> in textu latino, quæ sententia non nihil mutata reperitur in versione gallica, quam modo innuimus, facta a Duce Luynes Parisiis anno 1647.

itemque  
naturalis, sive  
quatenus  
ex unione  
resultat una  
natura,

ut superiorius scripsit, et hic repetit Cartesius, quomodo ita arctissime conjunctus sum corpori, ut Ego ipse sentiam experimentaliter ut meas, affectiones corporis, et non tantum speculative cognoscam id, quod in corpore geritur? Verum nihil mirum, quod secum pugnet funestissimus ille vir, tantorum in Philosophia parens malorum. Cæterum persona humana ex unione materie ac formæ resultans ejusque perennis identitas, licet per actum conscientie nobis vere innoscet, quemadmodum alibi contra Herbertum Spencer notatum reliquimus (1), absurde tamen dicitur a Locke personas humanæ identitatem in conscientia sitam esse (2).

Probatur secunda pars: *Uno animæ cum corpore est naturalis seu talis, ex qua una resultat natura.* Est contra eos, qui nolunt agnoscere in homine vel animali operationes communes *conjecti* vel compositi, sed tantum aut animæ solius, aut corporis.

Probatur autem 1.<sup>o</sup> Natura est principium operationis. Atqui ex unione animæ cum corpore resultat principium operationum, que neque ab anima sola effici possunt, neque a sola materia, vegetativis nempe et sensitivis, quas jam alibi demonstravimus esse operationes organicas seu compositi (3). Ergo...

Prob. 2.<sup>o</sup> a priori. Omne esse specificum est natura quædam seu principium consentaneum operationum. Atqui ex unione animæ rationalis cum corpore existit in composite novum esse specificum communicatum materiae ab anima rationali, ut in primo hujusmodi capituli articulo vidimus. Ergo unio animæ rationalis cum corpore naturalis est.

Prob. 3.<sup>o</sup> ex præcedenti parte. Certum enim est animam rationalem experiri ut suas affectiones corporeas, v. g. dolorem. Atqui hoc impossibile est explicare, nisi ex anima et corpore exsurget unum aliquod commune principium seu natura hujusmodi affectionum. Ergo...

Utraque hæc pars propositionis dilucide traditur a S. Thoma: *Ex anima et corpore, inquit, constituitur in unoquoque*

(1) Vide *Psycholog.* vol. 2.<sup>um</sup>, num. 294, pag. 965.

(2) Vide *Ontolog.* num. 280, pag. 844, 845.

(3) Vide *Psycholog.* vol. 1.<sup>um</sup>, num. 162, pag. 712; num. 195, pag. 827 seqq.

*nostrum duplex unitas, naturæ et personæ. Naturæ quidem, secundum quod anima unitur corpori, formaliter perficiens ipsum, ut ex duobus fiat una natura, sicut ex actu et potentia vel materia et forma... Unitas vero persona constituitur ex eis, in quantum est unus aliquis subsistens in carne et anima (1).*

In alio sensu potest etiam dici unio animæ cum corpore naturalis, quatenus videlicet peragitur ex ipsa natura vi atque instituto tamquam fructus generationis naturalis: anima est enim complementum, quod materia sufficienter disposita et preparata in alio vivente postulat; corpus autem est subjectum, quod anima requirit ad exercendam evolvendamque totam suam virtutem. Neque enim anima potest virtutem sentiendi et vegetandi actu et formaliter habere, nisi unita sit corpori, quia ha sunt potentiae organicae, quæ in anima separata non possunt esse, nisi radicaliter; ut autem actu dimanent ab anima substantia, postulant subjectum vel corpus organicum. Immo vero ipsum intellectum, quamvis inorganicum, exercere non potest anima in praesenti statu vitæ, nisi dependenter a corpore, non quidem tamquam ab organo et intrinseco, sed extrinseco atque inchoative ab organo, ideoque etiam ad ipsas intellections aliquo modo requirit unionem cum corpore (2). Itaque unio animæ et corporis est in bonum utriusque.

Tertia pars propositionis: *Uno animæ cum corpore est vera substantialis, ex qua nimimir resultet una per se ac simpliciter substantia composita, homo.* Est contra quosdam recentiores Philosophos catholicos, qui distinguentes inter naturam et substantiam, concedunt quidem ex anima rationali et corpore constitui posse unam naturam, non vero unam substantiam (3). Potest quidem una natura composita constitui, quia sunt operationes, vegetativae nempe ac sensitivæ, ad quas eliciendas nec anima nec corpus singillatim sufficit, sed requirunt utriusque consortium et concursus (4); non autem

sive quatenus  
predicta  
unio est opus  
naturalis  
virtus et actus

Unio denum  
animæ est  
vere sub-  
stantialis.  
Sensitiva  
quorundam  
recentiorum  
cicca unionem  
animæ ac  
corporis  
describitur,

(1) S. Thom., 3 p., quest. 2, art. 1, ad 2.<sup>um</sup>

(2) Vide *Psycholog.* vol. 2.<sup>um</sup>, num. 11, pag. 70 seqq.; num. 17, pag. 98 seqq.

(3) Vide *Ontolog.* num. 282 seqq., pag. 823 seqq.

(4) Vide cl. P. Palmieri, *Anthropol.* thes. 1, part. II, pag. 266, 267; et thes. 3, part. 2, pag. 297, 298, et 301.

una substantia, quia ex unione anime cum corpore non habetur unum esse realitatis seu una duntaxat realitas (1), sed que conjuncta sunt remanent vere due realitates, immo duae substantiae cum suis propriis essentiis et existentiis (2), que quidem complete atque integrare sunt in ratione substantiae, et incomplete solum in ratione naturae (3). Vocatur nihilominus ista unio substantialis, quia per illam ex anima et corpore resultat una natura. Porro unitas hujusmodi nature vel substantialis duplex esse potest in praedictorum scriptorum sententiis: altera *coordinatorum*, altera *subordinatorum*. Unitas vel unio coordinatorum obtinet, cum ea que uniuertur, se mutuo ex aequo perficiunt, ut accidit in cloro et auro, constituentibus clorurum aureum, in oxygenio et hydrogenio, cœntributibus ad formandum acidum sulphuricum, et generantur in omnibus mixtionibus substantialibus vel corporum simplicium combinationibus. Unio subordinatorum existit, cum ea que uniuertur pertinent ad diversum ordinem, et unum se habet ut perfectibile, alterum ut perficiens et elevans illud ad participationem perfectionis suæ, et sic speciem totius determinans. Inter haec duo genera unionum id interest, ex mente istorum scriptorum, quod in unione coordinatorum nulla detur pars, que rationem habeat formæ, in unione autem subordinatorum pars perficiens ad determinans speciem vocetur forma; pars vero perfectibilis, materia vel subjectum informationis (4). Quia doctrina, utpote traditionale Scholasticorum sententiam impugnat, verborumque ipsum germanum sensum periculissime in alienum, eumque prorsus inauditum, pervertens, quamquam sua sponte concidat ex hactenus probatis, rejicienda nominatio videtur esse.

*et re falatur.*  
Prob. 1.<sup>o</sup> Ex unione anime cum corpore, patentibus ipsis adversariis, existit una natura composita. Atqui impossibile est ex duabus realitatibus actu existentibus, seu suam

(1) Id., *Anthropol.*, thes. 1, pag. 268.

(2) Id. ibid. thes. 3.<sup>a</sup> part. 2, pag. 299.

(3) Id. ibid. thes. 3.<sup>a</sup> part. 1.

(4) Palmieri, *Cosmolog.*, thes. 19, pag. 138; et *Anthropol.*, thes. 11, 2.<sup>a</sup> pars, pag. 77, et thes. 16; *Anthropol.*, thes. 3, pag. 301. Cfr. *Ontologia nostra*, num. 282, pag. 823 seqq.

actualiter multiplicatatem retinentibus, unam existere natu-  
ram. Ergo aut neganda est una natura, ex anima et corpore  
resultans, aut asserenda una per se ac simpliciter substantia.  
*Minor* fuse probatam reliquimus in *Ontologia* (1).

Prob. 2.<sup>o</sup> Animus humanus, ut in præcedenti propositione probanda dicebam, vere *ut suas* experitur impressiones et affectiones varias corporis. Atqui intelligi non potest, quo pacto anima experietur *ut suas* affectiones, nisi sui ipsius vel alicuius secum quodammodo identificati per unionem, qua unum quiddam cum eo facta sit. Ergo anima ita corpori unitur, ut unum per se ac simpliciter efficiat. *Minor* per se satis patet, ac declaratur amplius ex discrimine inter cogitationem speculativam rei cuiuslibet et experientiam reflexam sui ipsius suarum affectionum. Prior enim cognitio exhibit subiectum suum quolibet consideratione abstracta et præcisa, unde etiam proprium subiectum ejusve affectiones refert reflexione pure ontologica, quasi esset objectum penitus alienum a subjecto cogitante; experientia vero suarum affectionum exhibit illas reflexione psychologica, tamquam aliquid *suimetipsius*; at affectiones corporis non potest anima per hujusmodi reflexionem testari ut aliquid *suimetipsius*, nisi corpus habeat cum anima identitatem aliquam, vel unum quoddam et idem constitutat.

Prob. 3.<sup>o</sup> Nihil potest alteri unione sua speciem tribuere, nisi unum cum eo efficiatur. Atqui proprium est anima rationalis speciem tribuere corpori, est enim substantialis forma illius. Ergo anima cum corpore unam substantialiam componit.

*Minor* supra demonstrata est in primo hujusce capitinis articulo. *Major* probatur, quia quod alteri unione sua speciem tribuit, non specificat illud agendo in ipsum, sicut v. g. Deus specificat res omnes, quas efficit, producendo in illis actum certæ speciei; valde enim discrepantia actio unius in aliud et unio unius cum alio, quarum prima est causalitas cause efficientis, et altera cause formalis ac materialis (2); sed specificat per intimam sui communicationem, qua remanet illud transformatum, et in certa specie constitutum. Hoc

(1) Vide *Ontolog.*, num. 283, pag. 826 seqq.; num. 285, pag. 830.

(2) Cfr. *Cosmolog.*, num. 161, pag. 621 fin.

ergo locum habet in unione animæ cum corpore. Jam vero specificatio hec non ita fit, ut anima constitutus corpus in sua ipsius specie, quia profecto corpus non efficitur anima; sed ita ut ex anima et corpore resulset aliquid tertium certæ speciei, que nec est ipsa species animæ, nec species, quam materia vel corpus ante unionem habebat, sed alia nova species distincta. Atqui hoc et absurdum et intelligibile est, nisi dicamus tertium hoc determinate speciei esse unam vere substantiam; tum quia una species unam importat entitatem: tum quia si remanent adhuc anima et corpus duas vere realitates non *unificatae*, remanent vere in sua specie, ac proinde non conflabunt unam speciem, sed erunt duas species rerum intimi præsentium, fere sicut corpus et angelus, eidem præsens et cum eo penetratus, unde etiam corpus nullatenus poterit dici in sua entitate transformatum, nec ex unione cum anima vere acquirit ipsum novas proprietates, sed tantum existent in loco, ubi est, quedam phænomena ab anima ibi præsente procedentia. Ergo ut hæc et alia id genus incommoda vitentur, necesse est dicere animam et corpus esse *unificatae*, quatenus una ex illis vere substantia efficiatur (1).

Confirmatur denum hæc pars propositionis, quia nisi admittatur substantialis hujusmodi unio non videtur explicari posse mutuus influxus, qui inter animam et corpus in homine intercedit, prout in sequenti paragrapgo videndum erit. Homo ergo est vere unum per se ens, una substantialia, non congeries duarum substancialium in eodem loco existentium, unaque essentia, distincta ab animæ et corporis essentia et ex utriusque essentiis permixtis et unificatis existens. Idque est peculiarissimum et propriissimum eorum, quæ tamquam actus et potentia uniuntur, qua unione strictior nulla est inter naturales uniones.

261. PROPOSITIO 2.<sup>a</sup> Ut prædicta unio intercedere queat inter animam rationalem et corpus, requiruntur in hoc convenientes dispositiones.

Ad unionem  
animæ cum  
corpore

Propositio evidens est, nec hic statuitur, nisi ad complementum doctrinæ. Probatur autem 1.<sup>a</sup> a priori ex ipsis

(1) Cfr. *Cosmolog.*, num. 161, pag. 619 fin.

notionibus actus et potentiae. Non enim sufficit aliquid esse actum, ut illico actuare possit quilibet potentiam vel subiectum: nec vicissim sufficit aliquid esse potentiam, ut actuari possit a quavis forma seu actu; sed requiritur ut potentia hæc perfectibilis sit ab hoc actu, et hic actus perficere hanc potentiam possit. Atque id est, quod significatur cum dicitur inter actum et potentiam intercedere debere proportionem habitudinis (1). Ergo ut materia constitutatur in eo statu et conditione, ut hic et nunc possit perfici ab anima rationali, debet apte disponi, ac præparari. 2.<sup>a</sup> Idem constat exemplo mutationum omnium accidentalium, quæ non accidunt in corporibus, nisi materia, quæ est sub una forma, convenienter alteretur paulisper, donec capax sit suscipiendo novam formam, quod est illam disponere ad unionem cum hac postrema. 3.<sup>a</sup> Præterea non alia reddi ratio potest mortis, quæ in separatione animæ a corpore formaliter sit est: anima enim non sponte relinquit corpus, cum libererit, sed vi, ut ita dicam, abigitur morbo vel alio casu. Ergo reapse non recedit a materia, nisi quando hæc inepta evasit ad suscipiendam vitam ac perfectionem per actum animæ. 4.<sup>a</sup> Denique neque etiam alia videtur assignari posse causa, cur anima rationalis non creetur, nec infundatur nisi materia a parentibus ejusdem speciei præparatae.

262. Objec. 1.<sup>a</sup> adversus 1.<sup>am</sup> partem primæ propositionis. Persona humana constitutur ex sola anima. Ergo persona humana non resultat ex unione animæ cum corpore. Prob. antecedens: a) anima vocatur ab Apostolo homo interior, seu qui est *intus* (2); persona autem humana designatur per vocem *homo*. b) Anima humana subsistit extra corpus, nam est immortalis. Atqui nihil potest subsistere, nisi suppositum et persona (3). c) Denique corpus dici solet instrumentum, animæ; instrumentum autem non unitur principali agenti in unitate personæ (4). Ergo persona humana constitutur ab anima sola.

perficendam  
requiruntur  
in hoc concen-  
taneis  
dispositiones.

Inter actum  
et potentiam  
debet esse  
proportio.

Objectiones  
solutes,

(1) Vide supra, num. 241, pag. 755.

(2) *Il Corinth.* cap. 4, vers. 16.

(3) Apud S. Thom. 1. p. quest. 75, art. 4, arg. 1.<sup>a</sup> et 2.<sup>a</sup>.

(4) Cfr. S. Thom., 3. p. quest. 2, art. 6, arg. 4.

**Respondeo**, neg. antec. Ad probationem 2.) *dist.* Major.: in sensu proprio, neg., in sensu figurato, videlicet sumendo partem pro toto per synecdochen, conc. Et conc. Minore, neg. conseq. Secundum Philosophum (Ethicor. lib. 9, cap. 8 a medio) illud potissimum videtur esse unumquodque, quod est principale in ipso; sicut quod facit rector civitatis, dicitur civitas facere. Et hoc modo aliquando quod est principale in homine, dicitur homo; aliquando quidem pars intellectiva secundum rei veritatem, quae dicitur homo interior; aliquando vero pars sensitiva cum corpore secundum astimationem querundam, qui solum circa sensibilitatem definuntur. Et hic dicitur homo exterior (1). Ad probationem 3) responderi potest 1.<sup>o</sup> argumentum non evincere ut summum, nisi animam in statu separationis esse personam, nos autem hic non agimus de anima separata, sed de unita. Respondetur 2.<sup>o</sup> distinguendo Minorem cum S. Thoma: nihil potest subsistere nisi suppositum vel persona, si sit completum in natura, conc.; si incompletum et pars speciei, neg. Nam non qualibet substantia particularis est hypostasis vel persona, sed quae habet completam naturam speciei. Unde manus vel pes non potest dici hypostasis vel persona; et similiter nec anima, cum sit pars speciei humanae (2). Utrum autem anima separata possit dici semipersona, ut videtur innuere Cajetanus (3), potest esse questionis de voce, et pendet etiam ab illa questione, utrum anima dum separatur a corpore mutet modum essendi; quae de re dicendum est in postrema disputatione de anima separata. Ad probationem 7) *dist.* Major. Corpus dicitur instrumentum conjunctum, conc.; separatum vel externum, neg. Et contradist. Minore, neg. conseq. Non omne, quod assumitur ut instrumentum, perficit ad hypostasim assumuntis, sicut patet de securi et gladio; nihil tamen prohibet illud, quod assumitur ad unitatem hypostasis, se habere ut instrumentum, sicut corpus hominis vel membra ejus (4).

Objic. 2.<sup>o</sup> adversus 2.<sup>am</sup> et 3.<sup>am</sup> partem. Quidquid advenit aliqui habenti esse in se subsistens, advenit accidentaliter.

(1) S. Thom., 1. p. quest. 75, art. 4, ad 1.<sup>um</sup>

(2) S. Thom., 1. p. quest. 75, art. 4, ad 2.<sup>um</sup>

(3) Cajetan., In 3.<sup>am</sup> part. quest. 6, art. 3.

(4) S. Thom., 3. p. quest. 2, art. 6, ad 4.<sup>um</sup>

Atqui corpus advenit animæ in se subsistenti, utpote quæ est terminus actionis creative, et existit independenter a corpore. Ergo corpus anime accidentaliter advenit, ac proinde unio utriusque non potest esse vere naturalis et substantialis.—**Respondeo** *dist.* Major.: si advenit tamquam forma determinans illius modum essendi, *trans.*; si advenit tamquam subjectum, esse specificum accipiens ab illo, cui advenit, ut sic ex utroque una species constitutatur, neg. Et *contradist.* Minore, neg. conseq.

Objic. 3.<sup>o</sup> Si anima et corpus constituerent unam substantiam et unam naturam, invicem confunderentur, ac proinde jam nec anima nec corpus permaneret, sed aliud diversum. Atqui hoc prorsus absurdum videtur. Ergo...—**Respondeo**, *dist.* Major. Si anima et corpus constituerent unam substantiam et unam naturam, invicem confunderentur, id est, intime permiserentur, et se mutuo pervaderent, conc.; id est, altera converteretur in aliam, vel utraque periret, ut tercia existeret, in qua jam nullatenus esset actu anima, nec materia prima, neg. Et *contradist.* Minore, neg. conseq. Verum est, quod homo in quadam sensu nec est anima, nec est corpus, et in alio sensu et est anima, et est corpus, quia videlicet non est anima sola nec corpus solum, sed utrumque unitum in unitate nature ac suppositi. Quare anima est actu ac formaliter in homine, et non solum virtualliter, sicut sunt elementa vel corpora simplicia in composito chimico (1), siquidem unio animæ cum corpore non est concepienda instar unionis elementorum in mixto, quæ ita confusa sunt, ut jam non existant actu formaliter (2); est enim unio ex actu et potentia, quæ quandiu sunt unita, ita permiscentur per intimam praesentiam et mutuam communicationem, ut tamen actu et formaliter sint, quia nec forma potest actuare, nisi sit actu, nec materia actuari, nisi in sua ratione subjecti et potentiae receptivæ ac per formam perfectibilis permaneat (3).

Objic. 4.<sup>o</sup> Nequit esse naturalis illa unio, quæ tota cedit in bonum materiæ, formam autem ipsam maxime deprimit.

(1) Vide *Cosmolog.*, num. 136, pag. 476 seqq.

(2) Vide *Cosmolog.*, num. 147, pag. 553 seqq.

(3) Cfr. *Cosmolog.*, num. 161, pag. 619 seqq.

Atqui hoc evenit in unione animæ rationalis cum corpore. Quid enim lucratur anima per unionem? Nempe ut immagratur in materia, quasi in luto: ut ibi sicut in carcere coercetur; ut torpescat ad omne bonum, *corpus enim quod corruptitur, aggravat animam* (1), atque ad terrena turpiter inclinetur; ut nihil possit intelligere nisi per conversionem ad phantasmata. Materia vero ex unione cum anima fit corpus, vivum et sensitivum, homo.

*Respondeo, dist. Major.* Si unio solum cedat in bonum materiæ, formam vero deprimit duntaxat, et non etiam vere perficiat aliquo modo, *trans.; secus, neg.* Et *Contradist. Minor., neg.* conseq. Certum enim est animam rationalem esse quoque sensitivam et vegetativam; et certum pariter est animam non posse exercere virtutem sentiendi ac vegetandi, nisi unitar substantialiter corpori; certum denique est animæ naturale esse totam suam virtutem evolvare, atque explicare. Ergo non potest non esse unio cum corpore in bonum ipsius animæ, ac proinde huic naturali et innato appetitu conforme est viri cum corpore. [Probationes autem nihil evincunt: anima cum unitur materiæ non penitus in ea immagratur, sed caput intelligentiae elevatum tenet adeo, ut si ipsa libertate sua recte uti velit, nequeat infici face materiæ. Præterea materiam vivificat, ac tantopere nobilitat, ut etiam ipsi animæ serviat, atque ipsam ad operationes intellectuales maximopere juvet. Non ergo proprie dicenda est in luto immograri. Simili modo non est proprie in carcere, qui in domo vel sede sibi convenientissima moratur; quamvis fieri possit, ut ejusmodi domus in carcere quodammodo vertatur illi ob culpam suam, sicut saep videmus in statibus politicis domum quibusdam suam ob commissum aliquod crimen auctoritate publica pro carcere designari. Tertio verum est, corpus, quod corruptitur, aggravare animam, et quidem multipliciter (2); sed simul etiam verum est illud esse instrumentum, quo juvatur anima non solum in vita organica, sed etiam in rationali, qua nequit in homine inchoarti, nec perfici, nisi præcedat sensatio, et phantasia suppediet phantasmata, et ex

(1) *Sapient. cap. 9, vers. 15.*

(2) Vide Alapide et commentatores in prædictum locum *Sapientie.*

sensibus ratiocinando ad insensibilia et immaterialia sternatur via. Quarto conceditur animam ratione corporis inclinari ad terrena, in quo tamen duo distinguenda sunt, id quod est per se ac bonum, et id quod est ex abuso libero. Homo terrenus necessario indiget ad suam naturam conservandam, ideoque non est malum per se inclinari generatim ad terrena; abusus autem in eo est, quod haec bona terrena innordinate appetat, vel querendo quæ non decent, aut convenient, vel querendo in iis adjunctis et modo, quæ dedecent. Ceterum anima per unionem cum corpore non impeditur, quominus, si velit, ejusmodi abusus et cognoscat, et fugiat. Denique anima per unionem cum corpore intelligit quidem per conversionem ad phantasmata; sed hoc ipsum in bonum animæ est, quandoquidem sine phantasmatis in hoc statu nequit intelligere. Verum contra hoc ipsum gravissime *instando*.

*Objic. 5.<sup>a</sup>* Nulla forma naturaliter unitur materiæ, a qua impediatur a perfectione sue operationis. Sed anima intellectiva ab unione ad corpus impeditur a perfectione intelligendi. Nam unita non potest intelligere nisi per conversionem ad phantasmata; separata vero intelligit absque phantasmatis per conversionem ad pure intelligibilia. Atqui longe perfectius est intelligere sine phantasmatis, speculando directe ipsa intelligibilia, quam per conversionem ad phantasmata. Ergo...

*Respondeo, dist. Major.* Nulla forma naturaliter unitur materiæ, a qua impediatur a perfectione sua operationis pro tempore, pro quo forma convenit talis operatio perfectior, *conc.*; pro tempore, pro quo paulatim debet disponi ad illam perfectiorem operationem, *neg.* Et *contradist. Minor.*, cuius probationem pariter *distinguo*. Longe perfectius est absolute et in se intelligere per conversionem ad pure intelligibilia, *trans.*; pro anima, *subdist.*; in statu separationis, *conc.*; in unionis statu, *iterum, disting.*; perfectius quidem, sed indebitum, ideoque non naturale, *conc.*; perfectius et simul naturale, *neg.*

Cum anima rationalis sit forma corporis, eademque immortalis, et naturaliter separanda a corpore propter heujus corruptibilitatem, consequens est, ut animæ duplex naturaliter

conveniat status, unionis et separationis, alter imperfector, alter perfectior, quibus prouide diversa successive consentanea erit perfectio intelligendi, ita videlicet ut imperfectior praecedat in statu unionis, perfectior subsequatur in statu separationis; quia haec est conditio rerum creatarum, ut non inde ab initio assequantur ultimam perfectionem, sed pedentem ab imperfectiori ad perfectius procedant, paulisper sese evolendo, id quod luctulissime testatur experientia. Nam vegetalia prius tantum nutritionem exercent, per quam convenientiem organismum efforcent; animalia etiam prius vegetationem, mox sensationem perficiunt; homo vero intellectionem non inchoat nisi multo post vegetationem et sensationem, nec perficit sine diuturno labore, studio et ratiocinatione. Verum ergo non est, quod corpus impedit perfectionem animae simpliciter et pro quocumque statu convenientem, sed tantum perfectionem debitam statui separationis, indebitam unionis statui. Ceterum ita corpus impedit perfectionem intelligendi praesenti statui indebitam, ut simul juvet ad hanc eamdem perfectionem cumulatius obtinendam in statu separationis, quia anima, mediante corpore, acquirit in statu unionis tum species experimentalis rerum sensibilium, que juvant ad perfectius intelligendum etiam in statu separationis, tum merita, per quae evadit Deo carior, ideoque obtinebit ab eo ceu premium majorem beatitudinem naturalem, sitam in perfectiore ipsius Dei et intelligentiarum cognitione (1). Quod paucis ita complexus est Aquinas: *Ultima perfectio cognitionis naturalis animæ humana haec est, ut intelligat substantias separatas; sed perfectius ad hanc cognitionem habendam pervenire posset per hoc, quod in corpore est, quia ad hoc disponitur per studium, et maxime per meritum; unde non frustra corpori unitur* (2).

**Instabis.** Atqui ex hoc ipso evincitur, animæ rationali non esse naturalem statum unionis. Nam *a)* simpliciter naturalis nequit dici status ille, qui valde animam impedit, ac retardat

(1) Vide P. Sylvest. Mauri (*Quæst. philosoph. Quæstiones physico-Metaphys.*, quest. 3, ad 4.<sup>um</sup>, ubi egregie), et cl. P. Schifflini (*Metaphysic. special. pars altera, de anima rationali*, num. 218).

(2) S. Thom., *quest. de anima*, art. 17, ad 3.<sup>um</sup>

in exercitio nobilioris suæ operationis. *b)* Immo vero status unionis videtur contra naturalem animæ inclinationem; haec enim vehementer inclinatur ad cognoscendum Deum et angelos, et ad omnia perfecte intelligenda. Atqui anima unita nec Deum nec angelos, immo vero nec ipsa corpore et sensibilia perfecte, sed tantum imperfectissime cognoscit. *c)* Demum pugna ipsa inclinationum, quæ in homine cernitur, et preponderans ad sensibilia et contraria rationi propensio eamdem veritatem confirmant, quia naturalis unio solet esse suavis et omnis expers lucte.

Respondeo, neg. assertum. Ad probationem *a)* dist. assert. Si status ille non juvaret, idoneamque redderet ad exercendam totam suam naturalem virtutem, quam alioquin nullatenus posset explicare, *trans.*; si juvat, et idoneam reddit, neg. Impossible enim est, ut animæ non sit naturale uniri corpori, si nequit sine corpore totam suam perfectionem cuiuscumque gradus assequi. Cum ergo anima egeat unione cum corpore ad evolutionem et exercitium virtutis vegetativæ ac sensitivæ, aliunde autem in operationibus intellectualibus magis perficiatur in statu separationis; ut omnia amice componantur, concludendum est eam esse animæ rationalis naturam, ut duplicitis sit successive capax status, et per utrumque transiens cunctas suas vires et naturales aptitudines evolat.

Ad probationem *b)* negatur assertum, quia rationalis anima non solum habet vehementer inclinationem cognoscendi Deum et cetera, sed etiam appetitum naturalem et innatum vegetandi et sentiendi. Ut ergo isti omnes appetitus naturales expleri queant, anima debet prius naturaliter uniri corpori. Præterea etiam in unionis statu potest anima, licet non perfecte, appetitum atque inclinationem cognoscendi Deum et ceteras res explore; perfecte vero explebit in statu separationis, nam habet corpus naturaliter corruptibile, quo corrupto libera remanebit ac disposita, ut cuncta perfectius cognoscat. Quoniam autem appetitus naturalis non est ad impossibilia, nec possibile est Deum, angelos ac ceteras res in unionis statu perfecte cognoscere, sequitur vehementem illam inclinationem perfecte cognoscendi Deum et cetera, non posse dici propriæ appetitum naturalem simpliciter et absolute,

ac pro quoquaque statu naturali animæ, sed tantum pro eo statu, in quo naturaliter expleri poterit. Ergo unionis status non est simpliciter contrarius inclinationi naturali, nec proinde violentus.

Ad probationem<sup>γ</sup> dic, pugnam illam inclinationum, quæ adest in humana natura, non se tenere ex parte subjectivæ virtutis, sed tantum ex parte objectorum, non semper æque convenientiam dupliciti appetitus, sensitivo et rationali, quemadmodum alias explicimus (1); nec vero hec ipsa pugna semper adest, siquidem sæpe ipsæ inclinationes appetitus ad bona sensibili conformes sunt rationi. Quare pugna hæc probare nequit unionis statum, in quo ea interdum cernitur, naturalem non esse. Quod si nosse cupias, uter status sit naturalior, separationisne an unionis, et alia similia id genus, hæc commodius explicabuntur in tractatu de anima separata (2).

§ II.—MUTUUS INFLUXUS PHYSICUS ANIMÆ ET CORPORIS, SEQUELA NATURALIS UNIONIS FORUMDEM.

Status  
questionis  
declaratur.

263. Forsitan miretur quispiam me, qui semper Scholasticorum doctrinas<sup>7</sup> exponere, tuerique pro virili conatus sum, nunc ad illud caput doctrinæ declarandum gradum facere, quod tamquam cartesianorum proprium rejici passim solet nostris diebus, cum sermo est de unione corporis et animæ. Verum influxus physicus, inter animam et corpus vigens,<sup>8</sup> variis modis concipi, ac defendi potest: primo quatenus importat mutua traditionem, qua corpus animæ et anima corpori se intime permiscant, et communicant, non in genere causæ efficientis, sed in genere cause formalis, videlicet per substantialem utriusque unionem; secundo per actionem, quatenus nempe anima et corpus invicem agendo in se mutuo influant. Primus modus influxus adeo proprius est scholasticæ doctrinæ circa unionem animæ cum corpore, ac generatim circa unionem formæ substantialium materia, ut systema

(1) Vide supra num. 195, pag. 559, 560.

(2) Recole difficultates supra solutas contra assertionem tenetem animam rationalem esse formam substantialiem corporis. Cir. *Ontologia*, num. 283, pag. 830 seqq.

influxus physici tamquam aristotelicum, peripateticum et scholasticum propositum fuerit elapo sœculo (1), quamvis non recte ab omnibus intellectum; Scholastici vero dicti sunt *Influxionistæ*. Hoc pacto rejectus est influxus physicus a Leibnitiano Wolf (2), et acriter propugnatus a P. Salvatore Roselli (3). Secundo autem sensu, quatenus nimurum influxus fiat non per unionem, sed per actionem, adhuc bifariam tractari, ac intelligi potest: primo ita ut influxus ejusmodi sit sequela unionis animæ cum corpore; secundo ita ut sit constitutivum formale unionis, quatenus videlicet influxus mutuus per veram actionem exercitus, sit formalis ratio unionis inter animam et corpus. Jam influxus mutuus, qui sub nomine cartesianorum rejici solet, est hic postremus, ut videbimus in quarto paragrapho; qui adeo fuit alienus a mente Scholasticorum, ut communissime illi defenserent causam physice efficientem unionis esse vel solum Deum, vel etiam parentes generantes, non autem corpus in animam sibi uniuersam agens, vel animam in corpus, ut in tertio paragrapho videbimus. Influxus vero exercitus in genere causæ formalis per unionem substantiali et influxus etiam efficiens, qui tamen presupponat unionem substantiali, ex eaque tamquam naturale corollarium fluat, omnino scholasticus est, ut puto, et hic nunc mihi propugnandus.

264. PROPOSITIO 3.<sup>a</sup> Est in homine inter animam et corpus, quamdui durat unio, mutuus influxus physicus.

Prob. 1.<sup>a</sup> a priori. a) Unio formæ ac materiæ, qualis est unio animæ rationalis cum corpore, importat mutuam communicationem proprii esse. Atqui mutua ista communicatio essentialiter importat mutuum influxum. Ergo...

Major alibi declarata est (4). Minor vero evidens est ex ipsis terminis, sicut etiam consequentia.

b) Terminus unionis animæ rationalis cum corpore est natura humana, quæ una est per se ac simpliciter substantia.

Probatur  
mutuus  
influxus  
inter animam  
et corpus.

(1) Vide v. g. P. Hauser, *Elementa Philosophiae*, tom. 3, pars 3, quest. 4, art. 1.

(2) *Psycholog. rational.*, sect. 3, cap. 2.

(3) *Summ. philos.*, tom. 5, quest. 20, art. 3.

(4) Vide *Cosmolog.*, num. 161, pag. 619, 620.

Atqui ex actu et potentia inter se naturaliter distinctis nequit una existere natura et substantia, nisi illa penitus invicem penetrerentur, seseque afficiant, ac transformentur, quod profecto mutuum involvit influxum physicum. Ergo...

γ) Unio substantialis inter formam et materiam est fons novarum proprietatum atque operationum, utpote que naturaliter consequi debent novam naturam ex predicta unione efflorescentem (1). Atqui intelligi nequit, quo pacto novae proprietates atque operations communes ex composite fluerent, diversae a proprietatibus atque operationibus propriis componentium seorsim spectatorum, nisi componentia illa sese mutuo physice afficiant. Ergo.. Sic videmus humanum compositum, non animam solam, vivere, vegetare, sentire, viribusque ac potentias ad vitas istas operations elicendas instructum esse; idque totum est in composito, ac denominat ipsum compositum, sed pertinere ad materiam nullatenus potest, nisi per influxum animae. Potentiae quoque animae accidentales, vegetatives et sensitive, cum organicae sint, non possunt actu dimanare, nisi supposita unione substantiali: hac vero existente, illico profluent, et actuant organa propria, quae proinde ab illis perficienda se prebent. E contrario compositum humanum est extensus, ponderosum et grave, patibile, actioni mechanicae, physicae, chimicæque multipliciter obnoxium, ideoque corruptibile: quae omnia et alia id genus ex materia redundant in humanam natum.

Prob. 2.<sup>o</sup> experientia. x) Passim videmus affectiones, que per se solam tangunt animam, redundare in corpus, ut cum v. g. cogitatio vel apprehensio terribilis mali facit corpus tremere, sudare, lacrymari, etc. E converso affectiones, que solum per se tangunt materiam et corpus, in animam vehementer influunt; sic morbi, labores, ærumnae corporis, animam etiam deprimit, segniores ad operandum etiam potentias spiritualibus reddunt, immo et mentem feriari faciunt, et alienant a sensibus. Huc q. que illud revoca, quod varia corporis complexio ac tempora entum varias secum

(1) Vide Cosmolog., num. 161, pag. 621.

fert etiam in parte rationali qualitates. β) Pro varietate physiologica diversorum elementorum ad organismum spectantium, potentia ipsa vegetativa, quæ ab anima dimanat, magis minusve activa et perfecta est; acumen vero sensuum, sive extenorū, sive interiorū, pendet ex ipsa organismi coagmentatione. Ipsa etiam ingenta hominum diversa sunt: quod si verum est, animas diversorum individuorum entitative non differre, quod tamquam probabilitus propugnavimus (1); tota hæc diversitas, etiam potentiarum spiritualium, refundenda est tandem in corporis influxum, sive quia sensuum varia perfectio, quæ ex organismi statu pendet, efficit, ut magis minusve perfecte intellectus operetur pro phantasmatum, ex quibus abstrahere species debet, præstantia, sive etiam fortasse quia, ut paulo superius innuimus, modus ipse unionis inter animam et corpus, quæ propter variam materiæ dispositionem, varius esse potest, influit, ut anima potentias ipsas spirituales magis minusve perfectas habeat (2).

Tota hæc doctrina dudum tradita fuit a S. Thom: Secundum naturæ ordinem propter colligantiam virtutum anima in una essentia, et anima et corporis in uno esse compedit, vires superiores et inferiores, et etiam corpus, invicem in se effluent, quod in aliquo eorum superabundat; et inde est, quod ex apprehensione anima transmutatur corpus secundum calorem et frigus, et quandoque usque ad sanitatem et aegritudinem et usque ad mortem: contingit enim aliquem ex gaudio vel tristitia vel amore mortem incurtere. Et inde est, quod ex ipsa gloria anima fit redundantia in corpus glorificandum, ut patet peructoritatem Augustini supra inductam (art. 8, in sol. ad 9, argum.); et similiter est e converso, quod transmutatio corporis in animam redundant. Anima enim conjuncta corpori, ejus complexiones imitatur secundum amittentia vel docilitatem et alii hujusmodi ut dicitur in lib. sex Principiorum (cap. 4, et est de Quando, non procul a fin. inter opera Arist.). Similiter ex viribus superioribus fit redundantia in inferiores; cum ad molam voluntatis intensum sequitur passio in sensuali appetitu, et ex intensa contemplatione retrahantur, vel impediuntur vires animales

(1) Vide supra, num. 224, pag. 683 seqq.

(2) Vide supra, num. 244, pag. 768, Prob. 4.<sup>o</sup>

*a suis actibus; et e converso ex viribus inferioribus sit redundans in superioribus, ut cum ex vehementia passionum in sensuali appetitu existentium obtenebratur ratio, ut judicet quasi simpliciter bonum id, circa quod homo per passionem afficitur* (1). Eamdem doctrinam continet id, quod S. Thomas cum S. Augustino docet, exponus, quo pacto in Beatis ex anima gloria redundant in corporis gloriose dotes (2).

Prob. 3.<sup>o</sup> Doctrina haec evidenter, opinor, probatur etiam ex iisdem phænomenis, ex quibus materialistæ suum errorē fulcire irrito conatu nituntur; juvat enim eadem facta, quibus illi, perperam concludendo, abutuntur ad absurdum systema stabilendum, ad nostræ veritatis confirmationem adhibere. Sane materialistæ duo genera phænomenorum, inter alia, proponunt tamquam validissimum sue doctrinæ argumentum:  $\alpha$ ) esse quasdam substantias corporreas, quæ, in cerebrum hominis agendo, mentales illius facultates perturbant, vel etiam operatione consentanea privent. (3).  $\beta$ ) Operationes intellectuales gignere, aut certe comitari caloris incrementum et physiologicas cerebri combustiones (4) ac

(1) S. Thom., de verit., quest. 26, art. 10. Cfr. Contr. Gent., lib. 3, cap. 10, vers. fin.

(2) Ex hoc ipso quod anima glorificata est, secundum communem cursum corpus ei unitum gloriosum efficitur et impassibile lassitudine; unde dicit Augustinus in epistola ad Dioscorum: Tam potentia natura Deus fecit animam, ut ex ejus plenissima beatitudine, quæ in fine temporum Sanctis promittitur, redundet in inferiore naturam, quod est corpus, non beatitudine, quæ frumentis et intelligentiis est propria, sed plenitudo sanitatis et incorruptionis vigor. Sed Christus, in sua potestate habens animam et corpus, propter virtutem Divinitatis ex quadam dispositione et habebat in anima beatitudinem, et in corpore passibilitatem, Verbo permittente id, quod est sibi proprium, ut Damascenus dicit (lib. 3, cap. 15, a med. et 18 et 19); unde singulare fuit in Christo, ut ex plenitudine beatitudinis anima non redundaret gloria in corpus. S. Thom., de verit., quest. 26, art. 8, ad 8.<sup>um</sup>

(3) Vida Ferrière, *La vie et l'âme*, pag. 223, et pag. 214-217 (In Psychologia nostra, vol. 2.<sup>o</sup> pag. 30, nota (2)): itemque alia loca, ex Rev. P. Coconier desumpti (ibid. pag. 30, nota (1)).

(4) Vida loca quadam in eodem Psycholog., vol. 2.<sup>o</sup>, pag. 31, nota (1), et pag. 37 nota (2). Adde Moleschott, *Kreislauf des Lebens*, vel *Circulatio vita*, pag. 156, (apud Rev. P. Coconier *L'âme humaine*, pag. 262), et Herzen (apud Rev. Dom. Piat, *La liberté*, 1.<sup>re</sup> partie, pag. 148, 149).

transformationes chimicas nervæ materiæ (1). Atqui hæc manifesto indicio sunt, inesse inter animam et corpus actissimum commercium et physicum influxum. Nam primum evincit alterationes materiae cerebralis redundare in animam, a qua procedit omnis virtus cognoscitiva; alterum vero ostendit exercitium activitatis animæ separari non posse ab alterationibus mutationibusque materiæ.

Cæterum plane haec tenet declaratus influxus physicus inter corpus et animam fere videtur versari in genere cause formalis et materialis, non enim situs est in agendo in aliud, sed in formali communicatione sui ipsius per substantialem unionem. Ad influxum autem quodammodo efficientem revocari potest motus, quo aliæ alias potentias hominis ad operationem determinant; quo pacto voluntas v. g. move, potentias inferiores (2), et intellectus dum actu intelligit determinatphantasiam ad imaginandum circa idem objectum et phantasia vicissim determinat intellectum agentem ad abstractiandam speciem, et intellectum possibiliter ad cogitandum de re, quam ille imaginatur. Utrum autem motio ista perficiatur per impressionem aliquujus physicæ entitatis, vel solum per sympathiam quamdam et moralem quemdam influxum, judicandum est ex alibi traditis in hoc ipso volumine (3). Illud tamen interest inter actionem animæ in corpus, et corporis in animam, quod anima sola etiam possit in corpus agere per potentias spirituales, ut patet in voluntate, corpus vero non possit agere in animam ex se solo, sed tantum quatenus informatum ab eadem anima. Cum enim corpus, ut contradictum ab anima, ex se non habeat ullam activitatem, nec vegetationem, nec sensationem; nullam potest exercere actionem in animam, nisi precise per potentias, quæ sunt communes toti compposito, ac proinde quatenus informatum ab anima, et accipiens ab anima virtutem agendi.

Dices. Intelligi nequit, quo pacto anima influire in corpus, et corpus in animam valeat. Quomodo enim vis animæ, quæ spiritualis est, transire potest in corpus, substantia vero

(1) Vide Moleschott, op. cit. pag. 153, apud cl. Coconier, ibid, pag. 260, 261. Cfr. Psycholog., vol. 2.<sup>um</sup>, pag. 39, not. (1).

(2) Vide supra, num. 77, pag. 202 seqq.

(3) Vide supra num. 82, pag. 206.

iners, quale est corpus, agere in animam? Non per actionem et reactionem, quæ propria est corporum: non per substantialem emanationem, alioquin fieret substantiarum confusio (1).—Respondeo, neg. assert. Intelligisne, quomodo albedo possit dealbare, et paries *extenso modo* dealbari? Intelligisne, quomodo calor corpus ex se minime calidum possit calefacer? Intelligisne, quomodo actus posse actare, ac potentia recipere actum per intimam utriusque unionem? Simili quodam modo anima et corpus sese permiscendo influere invicem queunt. Negatur autem, quod *vis spiritualis transal in corpus*. Si enim sermo sit de animæ entitate, ipsa non est vis, sed substantialis actus vel forma, cuius est actuare subjectum. Si vero de virtute ac potentia, potentie quidem spirituales, intellectus et voluntas, sunt in sola anima, nec corpori communicantur; potentie vero vegetativa ac sensitiva, utpote organicae, communicantur quidem, sed non proprie transirent in aliud, quia subjectantur in anima et in corpore cum anima unito in unitatem naturæ ac suppositi. Propterea nec necessere est fingere actiones ac reactiones, quia mutuus influxus potest esse absque actione per solam unionem, qua anima actuat, et corpus romanet actuatum et vivificatum. Si vero influxus fit per actionem, supposita nempe unione, nihil vetat actio mutuo exercita inter animam et corpus modo jam declarato. Nec requiritur ad solam unionem substantiali emittit emanatio, quae locum habet tantum in potentia animæ, quas ex alibi scriptis constat ab animæ substantia dimanare, tamquam proprietates naturales. Quæ vero Christianus Wolf adversus influxum physicum urget (2), frigida sunt, et facile ex dictis solvuntur. Nominati quod ait, physicum influxum repugnare conservationi ejusdem quantitatis virium vivarum preoccupatum manet in disputatione de libertate (3).

(1) Vide Roselli, *Summ. philos.*, tom. 5, quæst. 20, art. 3, ubi haec et alia leviora soluta videri queunt.

(2) *Psycholog. rational.*, sect. 3, cap. 2.

(3) Vide supra num. 94, pag. 250 seqq. *Cir. Cosmolog.*, num. 334 seqq., pag. 1,124 seqq.

COROLLARIUM. Hinc vero sequitur, quod in precedentibus paragraphi prima propositione diximus, unionem substantiali emittit et corporis probari ex mutuo influxu. Nam intelligi nequit quomodo, anima sentiente et cogitante, corpus simul alteretur (1) et, corpore alterato, anima quoque afficiatur, si anima et corpus, quantumvis in eodem loco remanserent, non in unam coirent substantialiam, sed forent vere duæ actu realitates substanciales.

### § III.—RATIO FORMALIS ET CÆTERÆ CAUSE UNIONIS SUBSTANTIALIS.

265. *Modus, quo corporibus adhaerent spiritus*, inquit Augustinus, et animalia sunt, omnino mirus est, nec comprehendi ab homine potest (2). Volumus nihilominus, quæ probabiliora videntur, saltem referre, memores illius sententiae Aquinatis: *Magis concupiscimus scire modicum de rebus honorabilibus et altissimis, etiam si topice et probabiliter illud sciamus, quam scire multum de rebus minus nobilibus. Hoc enim habet nobilitatem ex se, et ex sua substantia, illud autem ex modo et qualitate* (3).

Causa quadruplices distingui solet, finalis, efficiens, materialis et formalis. De finali causa unionis nihil hic dicendum occurrit; ea enim ex intentione nature dirigitur ad compostum efficiendum, ut in eo anima totam suam exerceat virtutem; de ceteris autem non desunt haud parum perplexæ difficultates endowandæ, de quibus cum vix possit quidquam certi statui, tantum probabiliora seligenda sunt. Et primo quidem:

A) *Causa formalis unionis* intelligitur hic ipsa formalitas, per quam materia et forma unitæ vere sunt, et sine qua illæ unitæ non sunt, nec dici possunt. Et quamquam multæ de hac re perhibentur Philosophorum opiniones, nihil nobis hic addendum videtur iis, quæ fuse tractata sunt in *Cosmologia*,

Ex influxu  
physico  
probatur  
unio  
substantialis  
animæ et  
corporis.

Ratio formalis  
unionis  
inter animam  
et corpus

(1) Habenda temen præ oculis in vol. 2.<sup>o</sup> *Psychologiae* scripta num. 10, pag. 29 seqq., ubi demonstratum est hoc aliquæ id genus phenomena nullatenus repugnare animæ spiritualitati.

(2) S. August., *De Civit. Dei*, lib. 21, cap. 10.

(3) S. Thom., *De anim.*, lib. 1, lect. 1, non procul ab init.

responda  
videtur in enti-  
tate pure  
modali,  
quae unica est,  
non duplex.

Utrum modus  
iste unionis  
sit  
materialis, an  
vero spiritualis.  
Materialis esse  
probatur,

ubi de unione materiae ac formae disputatum est, et rejectis  
aliorum sententias, probabilior visa nobis fuit illa, quae unionem  
formaliter in entitate quadam pure modali reponit (1);  
unio ergo animae cum corpore videtur esse modus actualis  
et substantialis inherenter formae in materia. Cæterum unio  
haec probabilius unica est, nec audiendi sunt illi, qui dupli-  
cem unionem invexerunt inter materiam et formam, alteram  
ex parte materiae versus formam, alteram ex parte formae  
versus materiam, prout alibi probatum reliquimus (2).

Si jam quæras, utrum modus iste unionis sit materialis,  
an vero spiritualis, dicendum videtur esse materialis, et  
non spiritualem, licet contrarium sentit P. Suarez (3); quia  
illa forma vel quasi forma dicenda est materialis, et non  
spiritualis, quae intrinsece dependet in esse a materia, secundum  
conceptum alibi enucleatum spiritus et entitatis spiri-  
tualis (4). Atqui unio animae cum materia ita dependet a  
materia, ut repugnet eam esse extra materiam. Ergo... (5).  
Dices fortasse materialem esse non posse eam unionem,  
quaे in anima quoque rationali recipienda est.—Respondeo,  
negando assertum. Quod enim unio sit materialis, non ob-  
stat, quominus in anima recipiatur, quomodo cumque tandem  
velis illam recipi, sive tamquam in puro termino adhæsionis,  
sive tamquam in subiecto sustentationis, ex cuius potentia  
educatur, quod spectat ad aliam quæstionem. Et explicatur  
exemplo sensitio, quae, licet sit operatio materialis, recipi-  
tur tamen et in materia et in anima, sicut alibi probatum

(1) Vide *Cosmolog.*, num. 162 seqq.; et 168, pag. 625 seqq., 629  
seqq.

(2) *Cosmolog.*, num. 170, pag. 636 seqq.

(3) *Metaphys.*, disp. 15, sect. 3 fin., quamvis P. Lossada (*de anim.*, disp. 2, cap. 1, num. 15) interpretetur P. Franciscum Suarez  
voluisse dicere unionem solum connexive spiritualem esse.

(4) Vide supra num. 210, 211, pag. 614, 616 seqq.

(5) Vide P. Lossada (*de anim.*, disp. 2, cap. 1, num. 15), Sylvest.  
Mauri (*Quæst. philosoph.*, lib. 2, quest. 10, in respons. ad 5.<sup>um</sup>),  
Mayr (*Philos. peripat.*, pars. 2.<sup>a</sup> num. 638), Complut. Carmelit.  
(*Physic.*, disp. 6, quest. 3, num. 47 seqq.), Rubio (*Physic.*, lib. 1,  
tract. 2, de forma num. 60), etc.

est (1). Ergo quod unio recipiatur aliquomodo in anima non  
est ratio negandi eam esse materialem. Instabis axioma  
illud: *Quidquid recipitur ad modum recipientis recipitur*. Sed  
anima rationalis est simplex. Ergo si unio sit materialis non  
potest in anima recipi.—*Verum neg.* conseq. Non enim  
semel notatum reliquimus vim illius effati non eam esse,  
quod recipiens et receptum debeant esse ejusdem naturæ ac  
conditionis, sed quod in recipiente debeat esse dispositio et  
aptitudo recipiendi formam illam. Quis autem neget animam  
rationalem esse capacem recipiendi unionem cum materia? (2)  
Sicut ergo anima ipsa rationalis, non obstante sua spirituali-  
tate, recipiatur tamquam in subiecto puræ informationis in  
materia, ita poterit recipi media unione materiali.

Cæterum modus iste unionis materialis videtur divisibilis  
esse secundum extensionem diversarum corporis partium,  
quibus anima unitur, unde etiam ipsa successive informat  
partes novas per nutritionem et augmentationem acquisitas,  
sibi eas uniendo; et c converso, dum unita est reliquo organismo,  
potest desinere informare aliquod membrum, quod  
arescat, et vitam amittat.

Hinc vero facile concludes unionem animæ rationalis  
cum materia distinguiri realiter ab actione, qua rationalis ani-  
ma producitur. Et ratio est, quia unio, utpote materialis, de-  
pendet a materia, actio vero animæ productiva, qua creativa  
est, non potest a materia dependere. Quare disputatio illa,  
qua in *Cosmologia* investigari solet inter Scholasticos, utrum  
unio formæ ac materiæ re distinguatur, solummodo ad unionem  
materiæ cum materialibus formis restringitur, quemad-  
modum suo loco animadvertisimus (3).

266. β) *Causa materialis, seu subjectum unionis animæ*  
cum corpore. Sermo est de subiecto sustentationis, ex cuius  
potentia educatur. Et in primis quod materia vel corpus sit  
hujusmodi causa sequitur ex materialitate unionis, secundum

Remque  
divisibilium,

et distinctum  
ab actione,  
qua creatur ipsa  
anima.

Causa  
materialis vel  
subjectum  
unionis  
est corpus;

(1) Vide *Psycholog.*, vol. 2.<sup>um</sup>, num. 28, pag. 165, 166 seqq. Cf.  
Mayr (loc. cit. num. 639 seqq.), Complutens. (loc. nup. cit. num. 47  
seqq.).

(2) Cf. *Psycholog.*, loc. nup. cit. pag. 169 in respons. ad 2.

(3) Vide *Cosmolog.*, num. 173, pag. 640.

superius enucleatum conceptum entitatis materialis vel corporeæ et spiritualis aut immaterialis (1); unio enim animæ cum corpore nequit esse sine corpore.

utrum autem sit  
et anima,  
controversiarum.

Controvertitur autem, utrum unio predicta recipiatur etiam in anima tamquam in subjecto sustentationis: nobisque sufficiat tantum opiniones referre, est enim res valde incerta. Multi negant, alii tamen affirmantibus, unionem recipi in anima, tamquam in subjecto sustentationis, sed adæquatum ejusmodi subjectum esse solam materiam aut corpus, quæ sententia conformis est illi, quam generat ut probabilem docimus in *Cosmologia*, ubi rationes videri possunt (2). Si autem ab his auctoribus queras, quomodo sit in anima unio, plures assurunt eam esse solum tamquam in termino intrinseco vel subjecto puræ adhesionis (3); remque nonnulli explicant cum exemplo unionis hypostaticæ Verbi divini, quæ non recipitur illatenus in illo, nec illud modicat, sed tantum eidem, ut termino adhaeret. Alii tamen concedunt unionem esse etiam in anima tamquam in vero subjecto informationis (4), quæ est sententia PP. Ludovicus Lossada (5) et Antonii Mayr (6). Sive autem anima dicatur subjectum informationis, sive terminus duntaxat intrinsecus adhesionis, potest bene perfici intrinseco per unionem; quia forma per unionem intrinseco conjungitur subjecto suo, quod innate appetit, et in quo assequitur suum naturale complementum: cum hac autem conjunctione et assecutione melius se habet forma intrinseco, quam sine illa: et hoc ipsum se habere melius, est perfici. Nec Verbum ideo præcise non perficitur ab unione hypostatica, quia non est subjectum ejus; sed quia ob sui perfectionem in omni genere infinitam, nequit se habere melius cum unione, quam cum ejus parentia. De cetero quod possit res perfici ab eo, cuius non est proprie subjectum,

(1) Vide supra, num. 210, 211, pag. 614, 616 seqq.

(2) Vide *Cosmologia*, num. 172, pag. 618 seqq.

(3) Ita v. g. Rubio (*Physic.*, lib. 1, tract. 2, de *forma*, quæst. 6, num. 65), Semery (*Trienn. Philos.*, tom. 2, disp. 5, quæst. 2, *Consemus autem*), etc.

(4) Discrimen inter subjectum informationis et sustentationis vide in *Ontolog.*, num. 275, pag. 797.

(5) *Physic.* tract. 1, disput. 6, cap. 5, num. 16.

(6) *Philos.*, *peripat.* pars. 2, num. 641.

patet tum in humanitate Christi, quæ perficitur a Verbo, cuius non est subjectum; tum in gradibus intensionis qualitatum, qui se se invicem perficiunt, quamvis non se se invicem recipiant, aut informant; tum in forma quavis substantiali aut accidental, quæ a subjecto perficitur, cum tamen non sit subjecti subjectum (1).

267. Causa efficiens unionis animæ cum corpore est ipse homo generans hominem. Certum enim et ex communi consensu exploratum est parentes generare filios. Atqui generatio hominis habet pro termino formalis quo unionem animæ cum corpore, vel si vis etiam animam prout unitam. Ergo si vere parentes generant hominem, ut prefecto generant, ipse homo generans debet esse in vero aliquo sensu causa efficiens unionis. Minor probatur, quia compositum humanum vel homo, qui est terminus *totalis* generationis complectitur materiam, animam rationalem et unionem eorum. Jam homo nequit materiam generare, quia materia est ingenerabilis, solunque potest creatione produci, nec potest animam rationalem præcise et in se generare, ob eamdem rationem. Ergo reliquum est, ut in vero aliquo sensu producat unionem animæ cum corpore.

Causa unionis  
efficiens  
est ipse homo  
generans.

268. Nunc occurrere quæstiones variae possunt de hac re. Prima, utrum homo hanc unionem solum moraliter efficiat, quatenus nempe solum disponens materiam eam præparatione ovuli ac fecundatione ad eum perducat statum, ut sit subjectum idoneum animæ, ideoque illius creationem a Deo et infusionem postuleat; an vero etiam physice producat prædictam unionem per virtutem principio saltem activo generationis impressam. Primus horum modorum jam sufficit, ut homo vere generet hominem, etiamsi solus Deus physice efficeret unionem; nam actiones solent tribui non solum causis physice operantibus, sed etiam causis moraliter influentibus, determinando actionem physicam, vel apponendo eas conditiones, unde necessario ex cursu rerum naturali sequi debeat effectus. Si homo accedit ignem, illuminat ærem, aliaque sexcenta opera exequitur tamquam causa eorum, sin minus immediata, mediata saltem. Et hoc præcise pacto dicitur e

Utrum homo  
solum  
moraliter,

an etiam physi-  
co efficienter  
producat  
unionem;  
explicatur  
primus modus,

(1) Lossada, *Physic.*, tract. 1, disput. 6, cap. 5, num. 15.

et secundus  
hujusque  
probabilitas.

contrario homo in vero sensu causa mortis hominis, auferendo dispositiones et conditiones organismi necessarias ad vitam et animationem. Et S. Thomas saltem in pluribus locis non videtur amplius requisivisse ad hoc, ut homo generet hominem. Generans, inquit, generat sibi simile in specie, in quantum generatum per actionem generantis productur (forte perducitur) ad participandum speciem ejus; quod quidem fit per hoc, quod generatum consequitur formam similem generanti. Si ergo forma illa non sit subsistens, sed esse suum sit solum in hoc quod unitatur ei, cuius est forma; oportebit, quod generans sit causa ipsius formae, sicut accidit in omnibus formis materialibus. Si autem sit talis forma, quod subsistentiam habeat, et non dependeat esse suum totaliter ex unione ad materiam, sicut est in anima rationali; tunc sufficit, quod generans sit causa unionis talis formae ad materiam per hoc, quod disponat materiam ad formam; nec oportet quod sit causa ipsius formae (1). Alii vero præter hunc priorem modum etiam admittunt posteriorem, quorum sententia ex dictis haud improbabilis videtur. Nam nihil est, quod vetet, quoniam homo physice producere atque educere queat de potentia materie unionem hujus cum anima, tum quia unionem istam materialem esse probatum est (2); tum quia homini generanti et anima rationali informatae non potest virtus sufficiens ad illam producendam; tum denique, quia, nemine repugnante, quod ego sciam, homo efficiat unionem novarum partium, quæ nutritione atque augmentatione organismo suo accrescent.

269. Nec dicas 1.<sup>um</sup> fieri posse, ut generans pereat ante ipsam animationem embryonis, vel absit in momento generationis, præsertim si verum sit, rationalem animam non statim infundi in ipso momento conceptionis passiva, sed serius secundum veterum superius expositam doctrinam.—Nam

(1) S. Thom. de potent. quest. 3, art. 9, ad 6.<sup>um</sup>. Vide etiam 1 p. quest. 118, art. 2, ad 4.<sup>um</sup>; Contr. Gent. lib. 2, cap. 89; 2<sup>o</sup> dist. 18, quest. 2, art. 1, ad 4.<sup>um</sup>; Compred. Theolog., cap. 93 fin.

(2) Nec desunt, qui concedant unionem, quamvis foret spiritualis, non excedere virtutem productivam hominis, utpote qui anima rationali informatur. Vide v. g. Suarez (*Metaphys.* disp. 18, sect. 2, num. 21 fin.) et Soarez lusitan. (*Physic.* trao. 1, disp. 5, sect. 3, num. 396).

si hominis perfectionem non excedat virtus uniuersi materiali cum anima, necesse non est, ut homo assistat ipsi formalis unioni, sed satis est, ut relinquat in germe virtutem unionis effectricem; neque enim existentia vel praesentia causæ efficientis in effectus productionem requiritur, nisi propter virtutem, quæ procedere non potest nisi a causa existente: semel autem ac virtus jam a sua causa manavit, adestque in aptis adjunctis ad effectum, nullatenus requiritur immediata praesentia ipsius suppositi, cuius est virtus (1). Posito autem quod unio sit materialis, planum videtur, quod virtus ejus effectrix non superat hominis generantis perfectionem, sed omnino ei naturalis sit, quia præcisæ necessaria est ad generationem perficiendam, quæ hominis operatio valde propria et naturalis est. Cum ergo Deus causis secundis largiatur virtutes ad suas operationes naturales consentaneas; donec aliquis repugnantiam ostendat, putandum est homini concessam fuisse virtutem unionis physico productricem. Quæ sententia est plurium auctorum (2); et, si vera est, non Deus solus, sed generans cum concursu generali Dei, ad quamcumque secundarum causarum actionem necessario, est causa efficientis physice unionem.

Dices 2.<sup>o</sup> Deus ipse cum animam creat, infundit eam simul uniendo corpori, utique per actionem distinctam a creativa actione, terminata ad solam animam substantiam. Ergo supervacanea est efficientia generantis ad uniuersam animam cum corpore.—Respondeo, hoc eodem argumentandi modo occasionalistas posse excludere omnem causarum secundarum efficientiam, quia nempe Deus omnia facit in

(1) Cfr. *Ontolog.* num. 401, pag. 1.157; num. 402, pag. 1.156, sequ.; *Psycholog.*, vol 1.<sup>um</sup>, num. 166, pag. 722.

(2) Vide Capreol. apud Suarez (*Metaphys.* disp. 18, sect. 2, num. 21 fin.), Cajet. (In 1.<sup>um</sup> p. quest. 118, art. 2, in responsion. ad 4), Petrum Ilurtago (*De generat. et corrupt.* disput. 2, sec. 3), Oviedo (*De gener. et corrupt.* controv. 2, punct. 7), de Benedictis (*Philos.* peripat. tom. 2, *Physic.* lib. 4, quest. 1, cap. 4, *Dice 3*), Lassada (*de generat et corrupt.* disp. 1, cap. 2, num. 14), Quirios (*Cars. philos.*, disput. 70, sect. 1, num. 6), Conimbricenses (*de generat. et corrupt.* lib. 1, cap. 4, quest. 13, art. 2), Scemory (*Trienn. philosophicum*, disp. 5, quest. 3, in resp. ad obj. 1.<sup>um</sup>), Sylvest. Mauri (*Quest. philos.* lib. 4, quest. 25, ad 4.<sup>um</sup>), etc.

omnibus. **Respondeo** 2.<sup>o</sup> Deum utique efficere unionem prædictam animæ cum corpore, non tamen tamquam causam unicam, sed tamquam causam primam cooperantem. Quamdiu enim adest in homine ipso generante virtus sufficiens ad unionem animæ cum corpore peragendam, jure merito illa asseritur.

**Dices** 3.<sup>o</sup> Actionem uniendo animam rationalem cum corpore reapse superare virtutem generandi. Nam actio ejusmodi, ut quæ pro termino habet immaterialē substantiam, spiritualis est. Atqui actio spiritualis superat potentiam generatim, utpote quæ materialis est et corporea ordinisque pure vegetativi, nec per altiore aliquam virtutem elevari videtur. Ergo.—**Respondeo**, negando assertum et Majorem probacionis, quia actio illa, cum non directe terminetur ad animæ substantiam, sed ad unionem ejus cum corpore, eaque materialis ex dictis sit, non potest esse proprie spiritualis.

**Dices** 4.<sup>o</sup> S. Leo M., superiorius a nobis relatus adversus præviā animalium existentiam, diserte docet, Fidem catholicam constanter predicate atque varaciter, *quod anima hominum priusquam suis inspirarentur corporibus, non fuere, nec ab alio incorporantur, nisi ab opifice Deo, qui ipsorum creator est corporum* (1). Atqui incorporare animam est eam corpori unire.—**Respondeo**, verba hæc interpretanda videri ex subjecta materia; orecta enim sunt contra Priscilianistas, quorum errores a sanctissimo Pontifice in eadem epistola ad S. Turibium Asturicensem damnantur. Unus autem eorum error erat, quod animæ, initio sine corpore creatæ, mox ob peccatum nescio quod per dæmones corporibus inclusæ fuerint (2). Puto ergo mentem S. Doctoris eam fuisse, ut excluderet operationem atque interventum dæmonum. Si autem

(1) S. Leo M., Epist. 15, cap. 10.

(2) En decimum capitulum errorum ex predicta epistola fideliter exscriptum: *Decimo autem capitulo referuntur asserere, animas, quæ humanae corporibus inseruntur, fuisse sine corpore, et in caelesti habitatione peccasse, atque per hoc a sublimibus ad inferiora delapsas, in diversæ qualitatib[us] principes incidisse, et per aeras ac sidereas potestates, alias doriores, alias militiores, corporibus esse conclusas, sorte diversa et conditione dissimili; ut quidquid in hac vita varie et*

voluisset excludere omnem physicam efficientiam generantis in unionem animæ cum corpore, incredibile videtur damnationem hujus opinionis latere potuisse tot gravissimos catholicos scriptores. Adde, quod fortasse *incorporare* secundum S. Doctorem non precise importet ipsam philosophicam unionem cum corpore, sed inclusionem animæ in illo.

270. Secundo dubitari posset, utrum homo generans sit causa adequata unionis, intellige in ordine causarum secundarum. Non enim defuerunt, qui arbitrantur animam ipsam rationalem posse sui unionem cum corpore perficere (1). Communis tamen sententia negat animam rationalem sui unionem efficere posse (2). Quæ probatur 1.<sup>o</sup> evertendo fundamentum contrarie opinionis, ex eo petitum, quod cum anima sit naturaliter propensa ad informandum corpus, eo ipso quod dispositum illud sit, debat quasi naturali impetu, ac naturali pondere trahi ad unionem. Verum hæc ratio nihil evincit. «Nam licet forma natura sua sit apta uniri, ideoque sit naturaliter propensa ad unionem, non inde sequitur esse potenter ad se uniuersum; sunt enim haec diversæ aptitudines seu potestates, quarum una non necessario inferatur ex altera; sicut etiam materia est apta uniri, et est in suo genere propensa ad unionem, et tamen non est potens se unire. Quemadmodum enim potentia receptiva et appetitus, in illa fundatus, est diversæ rationis a potentia activa et propensione ejus, ita potentia (ut sic dicam) seu aptitudo formalis et propensio, in illa fundata, est distinctæ rationis ab activa; nec est illa sufficiens ratio, cur ex illa inferatur, maxime cum in omnibus aliis formis probabilius videatur unionem non esse effectiva a formis» (3).

**Prob.** 2.<sup>o</sup> cum Hurtado, Anima nihil agit in corpore, nisi ut actus ejus informans; non enim est forma vel actus *inequaliter prevenit, ex praecedentibus causis videatur accidere...* Vide apud Denzinger, num. 107, pag. 30.

(1) Vide Henricum Gandavensem et Aureolum apud Suarez, *Metaphys.* disput. 15, sect. 6, num. 8.

(2) Vide Suarez i *Metaphys.*, disp. 15, sect. 6, num. 9. Hurtado (loc. nup. cit.), Quiros (loc. nup. cit.), Coimbricenses (loc. nup. cit.), ubi sententiam contraria, quam alibi tenerunt (nempe *Physis*, lib. 1, cap. 9, quest. 11, art. 3), mutarunt, et retracterunt.

(3) Suarez, loc. nup. cit. num. 9.

Utrum  
generans sit  
adquata  
causa unionis,  
an vere  
ipsa rationalis  
anima  
ad sui unionem  
activa  
concurat.

assistens, et statim ac creator, unitur. Ergo ut agere quidquam possit, debet præsupponi jam unita, et proinde habens jam unionem. Impossibile itaque est, ut ipsam primam sui unionem cum corpore efficiat. Nec dicas animam de facto efficerre unionem novarum partium, que corpori per nutritionem accrescunt: quare non deesse illi virtutem etiam primam unionem perficiendi.—Negatur enim consequentia et paritas, quia unionem novarum partium peragit anima tamquam actus informans vel forma jam unita. Et hæc satis superque dicta fuerint de ardua ista questione, que magis clarescit ex dicendis in sequenti disputatione circa originem hominis. Restat ut excludamus quasdam recentiorum falsas opiniones circa unionem animæ rationalis cum corpore.

§ IV.—EXCLUDUNTUR CARTESIANORUM, LEIBNITZIANORUM  
ALIORUMQUE DE ANIMÆ UNIONE CUM CORPORE  
SENTENTIÆ.

271. Plures circumferuntur opiniones a recentioribus agitate ad explicandum modum, quo anima corpori unitur. Quidam volunt unionem istam in eo sitam esse, quod anima corpus pervadens vires suas viribus corporis associet permisceatque; nam exinde efflorescat, necesse est, novum operationum principium seu nova natura (1). Verum hæc sententia jam in *Cosmologia prolifigata* est (2). Atomistæ multi ad decretum divinum configunt statuens, ut hac anima huic corpori sibi proportionato copuletur. Sed hæc quoque et aliae id genus in eodem loco rejectæ sunt, nec oportet omnes singillatim opiniones referre, nam facile ex dictis corruunt, utpote quæ generatim satis explicare nequeunt, quo pacto anima sit forma substantialis corporis; celebriores tantum breviter expondæ sunt.

272. A) Sententia Platonis hæc fuit, animam corpori non uniri, nisi tamquam motorem mobili, ut superius retulimus in primo hujus capituli articulo.

(1) Vide P. Tongiorgi, *Psycholog.*, num. 167, 168.

(2) Vide *Cosmolog.*, num. 162, pag. 625.

PROPOSITIO 4.<sup>a</sup> Anima rationalis, quamquam movet etiam corpus mediis potentias, nequit tamen dici corpori uniri ut motor mobilis.

Quod anima corpus moveat mediis potentias, jam superius concessimus (1), et ex eo manifeste innoscit, quod experimur nos voluntate movere corpus et alias per alias partes ejusdem. Itaque reliqua propositio

Probatur 1.<sup>o</sup> Anima unitur corpori ut actus et forma potentia ac subiecto. Atqui motor profecto non est actus nec forma mobilis. Ergo...

Anima non  
unitur corpori  
ut motor  
mobili

Prob. 2.<sup>o</sup> Mobile non sortitur speciem a suo motore. Si igitur anima non conjugitur corpori, nisi sicut motor mobili, corpus et partes ejus non consequuntur speciem ab anima. Abeunte igitur anima remanebit corpus et partes ejus eiusdem speciei. Hoc autem est manifeste falsum; nam caro et os et manus et hujusmodi partes post abscessum animæ non dicuntur nisi aquiroce, cum nulli barum partium propria operatio adsit, quæ speciem consequitur. Non igitur unitur anima corpori, solum sicut motor mobili, vel sicut homo vestimento (2). Quæ probatio declarata superius est in prima propositione primi articuli hujus capituli.

Prob. 3.<sup>o</sup> Mobile non habet esse per suum motorem, sed sollemmodo motam. Si igitur anima unitur corpori sollemmodo ut motor, corpus movebitur quidem ab anima, sed non habebit esse per eam; vivere autem est quoddam esse viventis. Non igitur corpus viveat per animam (3).

Prob. 4.<sup>o</sup> Mobile neque generatur per applicationem motoris ad ipsum, neque per ejus separationem corruptitur, cum non dependeat mobile a motore secundum esse, sed secundum moveri tantum. Si igitur anima unitur corpori solum ut motor, sequitur, quod in unione animæ et corporis non erit aliqua generatio, neque in separatione corruptio: et sic mors, quæ consistit in separatione animæ et corporis, non erit corruptio animalis, quod est manifeste falsum (4).

(1) Vide supra num. 410, pag. 754.

(2) S. Thom., *Contr. Gent.*, lib. 2, cap. 57, *Amplius, mobile.*

(3) S. Thom., loc. nup. cit., *Adhuc, mobile....*

(4) S. Thom., *Ibid.*, *Item, mobile.....*, apud quem plura videri queunt in eodem illo capite 57.

Malebran-  
chianum  
systema  
assistentia  
describitur,

273. B) **Sententia Malebranchii: systema assistentiae seu causarum occasionalium.** Malebranchius, negata entibus secundis activitate, quæ propriae non veras causas, sed tantum occasiones esse voluit effectuum, qui ab ipsis procedere videntur, prout alibi vidimus (1), statuit unionem animæ cum corpore in eo consistere, quod anima duntaxat praesens assistat corpori, quin quidpiam in illud agat, nec illud in eam, sed *solis Deus*, occasione harum vel illarum impressionum in organis corporeis, efficiat in anima has vel illas perceptions et appetitions: et vicissim occasione harum vel illarum perceptionum aut appetitionum in anima gignat *ipse solus* in corpore hos aut illos motus (2). Unde hoc systema occasionalismi nomen etiam habuit *assistantia* ab assistente Deo jugiter animæ et materie, ut in illis operetur. Hoc systema amplexus est Franciscus Lamy (3), De la Forge, Poiret et Sturmius (4) aliique cartesiani, quorum quidam rigidum occasionalismum tuiti sunt, rebus omnibus creatis causalitatem efficientem denegantes, alii mitiorem, qui animæ vim volendi largitut.

(1) Vide *Ontolog.*, num. 393, pag. 1131.

(2) «Si l'on dit que l'union de mon esprit avec mon corps consiste en ce, que Dieu veut, que, lorsqu'je voudrai que mon bras soit mû, les esprits animaux se répandent dans les muscles dont il est composé, pour le remuer en la manière que je souhaite; j'entends clairement cette explication, et je la reçois. Mais c'est dire justement ce que je soutiens; car ma volonté déterminant la volonté pratique de Dieu, il est évident que mon bras sera mû, non par ma volonté, qui est impuissante en elle-même; mais par celle de Dieu, qui ne peut jamais manquer d'avoir son effet. Mais si l'on dit que l'union de mon esprit avec mon corps consiste en ce, que Dieu m'a donné la force de remuer mon bras, comme il l'a donné aussi à mon corps la force de me faire sentir du plaisir et de la douleur afin d'appliquer à ce corps et de m'intéresser dans sa conservation; certainement on suppose ce qui est en question et l'on fait un cercle. On n'a point d'idée claire de cette force que l'âme a sur le corps, ni de celle que le corps a sur l'âme; ou on ne sait pas trop bien ce qu'on dit, lors qu'on l'assure positivement». Malebranche, *De la recherche de la vérité*, lib. 6, part. 2, chap. 3.

(3) In libro de la connaissance de soi-même.

(4) Apud P. Bertholdum Hauser, *Elementa Philosophix*, tom. 3. *Psycholog.*, part. 3, quest. 2, art. 1, num. 169. Systema istud tribui quoque solet Cartesio. Verum equidem nescio Cartesium unquam

274. PROPOSITIO. 5.<sup>a</sup> **Absurdum est sistema occasionalismi vel assistentiae.**

Probatur 1.<sup>o</sup>, quia innititur occasionalismo, quem ostendimus absurdum esse parumque doctrinae catholice conformem (1). 2.<sup>o</sup> Systema hoc non explicat, sed potius negat veram unionem, et solam praesentiam animæ et corporis in eodem loco reapse statuit; negat pariter ex anima et corpore per unionem fieri unam personam et unam naturam, quemadmodum manifeste probatum nuper reliquius. 3.<sup>o</sup> Contradicit conscientiae, quæ cuivis vividissime testatur animam multam in corpore et cum corpore agere, et pati. 4.<sup>o</sup> Nec appareat in eo finis, ob quem anima uniri debeat corpori; non enim eget illo, ut sit, nam spiritualis est; nec in sententia Malebranchii eget corpore, ut cum eo efficiat operationes vitales, atque abstrahat species ex sensibilibus, quia nihil horum reapse efficit. Aliunde vero Deus, si ipse solus in anima et corpore operatur, nec indiget profecto corpore, quod nihil influat, ut in anima operationes ponat, nec anima, ut corporis membra moveat. Quæ vero Malebranchius in ruinoæ fabricæ fulcimentum profert in medium, responsione non merentur (2).

275. C) **Systema influxus physici.** Ex superiori notatis, cum physicum influxum ad mentem Scholasticorum propagnaremus, facile constat, quo sensu nunc in trutinam revoce-

Systema  
influxus  
physici

professum esse occasionalismum, vel illum ad unionem animæ cum corpore explicandam applicasse, quamquam haud diffitor ex Cartesii doctrina fluere proxime posse occasionalismum, saltem mitiorem, et ad causas naturales limitatum. Si enim Deus solus est auctor motus, et certam ejusdem quantitatatem initio produxit, qui nunquam extingui possit, sed perpetuo conservetur in mundo; si jam motus de novo nullus producitur, sed tantum communicatur ab uno in aliud corpus, et varie transformatur; si nulla praeterea datur in natura activitas; facile, puto, eo adduci quempiam posse, ut negat naturalibus causis omnem veri nominis efficaciam. Vide Descartes, *Princip.*, part. 2, num. 36, 42; et *le Cosmolog.* nostrum, num. 334, pag. 1122; num. 335, pag. 1125, *Prob.* 2.<sup>o</sup>

(1) *Ontolog.*, num. 394, pag. 1136 seqq.

(2) Vide, si libet, illa apud Roselli, *Summ. philosoph.*, tom. 5, quest. 20, art. 1. Cf. *Ontolog.*, num. 395, pag. 1136 seqq.